



KEMENTERIAN PEMBANGUNAN WANITA,
KELUARGA DAN MASYARAKAT

LAPORAN PEMANTAUAN MEDIA KPWK

SELASA, 2 JANUARI 2024

LAPORAN HARIAN





UKK KPWK



KEMENTERIAN PEMBANGUNAN WANITA,
KELUARGA DAN MASYARAKAT

LAPORAN PEMANTAUAN MEDIA KPWK



www.kpwkm.gov.my

[f](#) [t](#) [@](#) kpwkm

2/1/2024


BIL	PERKARA	SUMBER
1	KOMPOSER GELANDANGAN MAHU KE RUMAH ORANG-ORANG TUA	
	https://www.bharian.com.my/hiburan/selebri/2024/01/1195010/komposer-gelandangan-mahu-ke-rumah-orang-orang-tua	BHARIAN.COM.MY

BIL	PERKARA	SUMBER
2	KAMPUNG ORANG ASLI EMBUS TERIMA BANTUAN MAKANAN	
	https://berita.rtm.gov.my/nasional/senarai-berita-nasional/senarai-artikel/kampung-orang-asli-embus-terima-bantuan-makanan	BERITA.RTM.GOV.MY

BIL	PERKARA	SUMBER
3	DOAKAN KESEJAHTERAAN RAKYAT, BARISAN MENTERI TEKAD TERUS MAJUKAN NEGARA	
	https://selangorkini.my/2024/01/doakan-kesejahteraan-rakyat-barisan-menteri-tekad-terus-majukan-negara/	SELANGORKINI.MY

BIL	PERKARA	SUMBER
4	HARAP NASIB ANAK TERBELA, ADA KEADILAN – IBU ZAYN RAYYAN	
	https://www.kosmo.com.my/2024/01/01/harap-nasib-anak-terbela-ada-keadilan-ibu-zayn-rayyan/	KOSMO.COM.MY

BIL	PERKARA	SUMBER
5	40,000 BAYI DAPAT SUMBANGAN SEMPENA 40 TAHUN AEON	
	https://www.kosmo.com.my/2024/01/01/40000-bayi-dapat-sumbangan-sempena-40-tahun-aeon/	KOSMO.COM.MY
	https://www.hmetro.com.my/mutakhir/2024/01/1046163/hadiah-aeon-buat-bayi-yang-lahir-sepanjang-2024	HMETRO.COM.MY
	https://www.youtube.com/watch?v=z_nM7cxMsRA	YOUTUBE



Komposer gelandangan mahu ke rumah orang-orang tua

Ridzuan Abdul Rahman - Januari 1, 2024 @ 1:56pm
mohamadridzuan@hmetro.com.my



Ross sedang dirawat di Hospital Alor Gajah selepas ditimpa kemalangan. Foto HM Online

KUALA LUMPUR: Komposer terkenal Ross Ariffin, 61, yang pernah mencipta lagu untuk Datuk Seri Siti Nurhaliza, Ning Baizura, Fauziah Latiff dan Liza Aziz dimasukkan ke Hospital Melaka selama sebulan dan Hospital Alor Gajah selama 11 hari akibat kemalangan jalan raya, baru-baru ini.

Kemalangan yang berlaku di depan sebuah hotel Jalan Pudu, Kuala Lumpur pada Oktober lalu, menyebabkan tangannya patah.

Pengerusi Persatuan Karyawan Malaysia Negeri Melaka dan ahli jawatankuasa Karyawan Melaka, Datuk Zainal Abu Bakar berkata, Ross atau nama sebenarnya, Roslan Arriffin Jamil yang dikategorikan gelandangan dibawa oleh Jabatan Kebajikan Masyarakat (JKM) ke hospital terbabit.


"Saya bersama penyanyi Zaiton Sameon hadir menziarahinya di Hospital Alor Gajah semalam. Dalam pertemuan itu, dia mengakui tiada sesiapa datang melawatnya.

"Ross juga berharap agar Karyawan dapat membantu mempercepatkan proses pemindahan beliau dari hospital ke rumah orang-orang tua milik JKJ. Karyawan Melaka turut menyampaikan sedikit sumbangan dan makanan kepadanya agar dapat meringankan sedikit penderitaan yang ditanggung," katanya kepada Harian Metro

Zainal juga meminta semua pihak mendoakan agar Ross cepat sembuh dan dipermudahkan urusannya.

Terdahulu, pencipta lagu Dia nyanyian Fauziah Latiff ini pernah diserang angin ahmar sebanyak dua kali.

Ross kini hidup sebagai gelandangan dan berpindah-randah sejak tiga tahun lalu di sekitar Pasar Seni, Kuala Lumpur dan Melaka.



Kampung Orang Asli Embus terima bantuan makanan

Kategori: Nasional - Kemas kini: 01 Januari 2024 04:21 PM - Jumlah kunjungan: 86



Kampung Orang Asli Embus di Maran menerima bantuan daripada APM, JKM dan serta Penghulu Mukim Luit


MARAN, 1 Januari- Angkatan Pertahanan Awam Malaysia (APM) dengan kerjasama Jabatan Kebajikan Masyarakat (JKM) Negeri Pahang serta Penghulu Mukim Luit menyerahkan bantuan bekalan makanan kepada 25 keluarga dari Kampung Orang Asli Embus di Maran hari ini.

Menurut Pegawai APM Daerah Maran Kapten (PA) Mohd Nor Azhar Yusof, Kampung Embus terputus hubungan sejak Rabu lalu akibat limpahan anak Sungai Embus di jalan utama kampung terbabit.

"Sungai terbabit menerima air dari Sungai Mentenang, Maran hingga menyebabkan jalan utama kampung terbabit tidak dapat dilalui oleh semua jenis kenderaan.

"Tanah di jalan utama terbabit juga mendap dan meruntuhkan struktur jalan itu selain menyebabkan penduduk tidak dapat keluar melalui laluan tersebut untuk mendapatkan barang keperluan," katanya.

Bantuan di kampung itu melibatkan dua buah kenderaan pacuan empat roda.



Doakan kesejahteraan rakyat, barisan menteri tekad terus majukan negara

© January 1, 2024 9:30 am

KUALA LUMPUR, 31 DIS: Memulakan lembaran baharu, barisan menteri Kerajaan Perpaduan merakamkan ucapan Tahun Baharu 2024 dengan mendoakan kesejahteraan seluruh rakyat malah turut menyatakan komitmen untuk terus melaksanakan tugas dalam usaha memajukan negara ini.

Menteri Pertanian dan Keterjaminan Makanan Datuk Seri Mohamad Sabu menzahirkan penghargaan kepada warga Kementerian Pertanian dan Keterjaminan Makanan (KPKM) atas kualiti kerja yang membanggakan dalam menjayakan segala dasar serta inisiatif KPKM dan mengharapkan kecemerlangan itu dapat diteruskan pada 2024.

"Selamat menyambut Tahun Baharu 2024 kepada seluruh warga KPKM dan seluruh rakyat Malaysia," katanya dalam hantaran menerusi Facebook.

Menteri Luar Datuk Seri Mohamad Hasan pula mendoakan semoga negara dan seluruh rakyat sentiasa berada di dalam lindungan dan rahmat Allah SWT.

Menteri Dalam Negeri Datuk Seri Saifuddin Nasution Ismail meluahkan rasa syukur selepas dikurniakan pasukan yang utuh, mempunyai komitmen tinggi dan bersedia untuk menyambut serta menterjemah visi Malaysia Madani dalam membuat perubahan dan memberikan khidmat terbaik kepada rakyat.

Dalam konteks PKR, Pakatan Harapan dan Sekretariat Kerajaan Perpaduan, Saifuddin Nasution yang juga Setiausaha Agung PKR berkata usaha menggarap sokongan rakyat dan memperkukuh kesatuan akar umbi akan terus dipertingkatkan.

Bagi Menteri Pelaburan, Perdagangan dan Industri Tengku Datuk Seri Zafrul Tengku Abdul Aziz fokus utama beliau adalah untuk memastikan pelaburan, perdagangan dan industri terus kekal maju dan berkembang demi kesejahteraan semua.

Menteri Sains, Teknologi dan Inovasi Chang Lih Kang pula menyifatkan 2023 sebagai tahun yang mencabar tetapi memberikan pengalaman dan pengajaran baharu kepada dirinya, sekali gus beliau bertekad untuk memikul dan menjalankan amanah diberikan dengan lebih baik pada 2024.

"Perkembangan sains dan teknologi seperti kecerdasan buatan (AI) akan terus bergerak pantas di peringkat global. Beberapa dasar dan polisi penting telah pun kita lancarkan tahun ini. Justeru, tahun 2024 kita perlu segera membina kapasiti dan kemajuan inovasi berdasarkan bakat dan kebolehan yang kita miliki," katanya.




Menteri Pembangunan Wanita, Keluarga dan Masyarakat (KPWK), Datuk Seri Nancy Shukri yang juga Pengerusi Yayasan Kebajikan Negara (YKN) bersama 1,000 peserta melaungkan slogan 'Wanita Bangkit' pada Program Wanita Bangkit @ KPWK MyKasih Kapital YKN di Kuantan pada 5 Disember 2023. Foto BERNAMA

Menteri Pembangunan Wanita, Keluarga dan Masyarakat Datuk Seri Nancy Shukri pula mengajak semua lapisan masyarakat terus bersama-sama dalam memajukan negara dan membina masa depan lebih baik untuk generasi akan datang.

Sementara itu, Menteri Sumber Asli dan Kelestarian Alam Nik Nazmi Nik Ahmad berharap 2024 membawa kegembiraan kepada semua dan seluruh rakyat Malaysia terus teguh dan memperkukuh kerukunan dan sikap hormat menghormati di negara ini.

Menteri Pendidikan Tinggi Datuk Seri Zambry Abd Kadir pula mendoakan Malaysia supaya makmur, aman, stabil, rakyat terus bersatu, berkasih sayang serta saling menghormati.

Menteri Perpaduan Datuk Aaron Ago Dagang turut mengucapkan Selamat Tahun Baharu 2024 dan berharap agar tahun ini membawa sinar dalam kehidupan semua rakyat jelata di Malaysia.



Harap nasib anak terbela, ada keadilan – Ibu Zayn Rayyan

Oleh KOSMO! 1 Januari 2024, 1:37 pm



Ketua Polis Selangor, Datuk Hussein Omar Khan berkata, semakan itu berkaitan beberapa maklumat yang diperolehi hasil siasatan setakat ini.

Jelasnya, siasatan masih lagi diteruskan termasuk operasi pencarian bukti di Apartmen Idaman, Damansara Damai, di sini. –KOSMO! ONLINE

Ismanira dalam satu hantaran video di Instagramnya semalam berkata, dia dan keluarga akan terus bertabah menghadapi ujian meskipun ia amat berat untuk dilalui.

Katanya, dia mengharungi tahun baharu dengan penuh kedukaan serta harapan agar ada sinar keadilan buat Zayn Rayyan kelak.

“Selamat tahun baru 2024. Kali ini saya melangkah tahun baru dengan duka dan harapan. Harapan agar nasib anak saya terbela, semoga ada keadilan buat anakku.

“Sepanjang tahun 2023, kami bahagia, sering bercuti dan luang masa bersama. Namun, akhir tahun ini kami tak jangka, kami diuji sampai ke tahap ini. tak bertanggung rasanya.

“Ujian ini sangat berat bagi saya dan kami sekeluarga, namun tetap harus tabah. Semoga kita disatukan semula di syurga Allah, syurga yang kehidupannya kekal abadi selamanya,” tulisnya.

Video berdurasi lebih satu minit yang sarat dengan momen sedih serta kenangan bersama Zayn Rayyan, sekali lagi merenggut hati para pengikut Ismanira yang sentiasa menantikan perkembangan terbaharu mengenai kes itu.

Terdahulu pada 30 Disember lalu, Polis Diraja Malaysia (PDRM) masih menunggu maklum balas daripada Polis Antarabangsa (Interpol) berhubung semakan pangkalan data bagi membantu siasatan kes bunuh kanak-kanak terbabit.

Ketua Polis Selangor, Datuk Hussein Omar Khan berkata, semakan itu berkaitan beberapa maklumat yang diperolehi hasil siasatan setakat ini.

Jelasnya, siasatan masih lagi diteruskan termasuk operasi pencarian bukti di Apartmen Idaman, Damansara Damai, di sini. –KOSMO! ONLINE



40,000 bayi dapat sumbangan sempena 40 tahun AEON

Oleh MOHD RASDAN AHMAD 1 Januari 2024, 3:24 pm



Dari kiri (duduk), Kamriah Abdullah, Chan Sook Hwa, Nur Hidayah Yahya dan Lee Yi Lin memegang bayinya yang menerima barangan keperluan bernilai sehingga RM1,000 termasuk baucar tunai AEON di bawah keahlian AEON sempena kempen "AEON Celebrates 2024 Babies" di PPUM hari ini. - Foto oleh FARIZ RUSADIO / KOSMO!

PETALING JAYA – Seramai 40,000 bayi yang lahir sepanjang tahun 2024 di seluruh negara bakal menerima sumbangan sebanyak RM1,000 dalam bentuk barangan keperluan termasuk baucar tunai bersempena ulang tahun EON CO. (M) BHD. (AEON Malaysia) yang ke-40.

Ketua Pegawai Dagangan dan Pemasaran AEON Malaysia, Low Ngai Yuen berkata, kempen yang dikenali AEON Celebrates 2024 Babies itu adalah terbuka kepada semua rakyat Malaysia berusia 18 tahun ke atas yang bakal menyambut kelahiran bayi mereka sepanjang tahun 2024.

"Kempen ini adalah antara usaha untuk mengeratkan hubungan kekeluargaan terutamanya dari segi sokongan emosi, mental dan fizikal di samping mengurangkan bebanan pasangan yang bakal menyambut kehadiran permata hati mereka.

"Malah para ibu yang sedang menanti hari istimewa kelahiran bayi mereka turut dijemput untuk mendaftar lebih awal supaya pihak AEON boleh mula menghulurkan bantuan termasuk persediaan dari segi keperluan dan kelengkapan ketika sedang hamil sehinggalah mereka akan bersalin termasuk penyediaan pemakanan sihat, keperluan pakaian dan produk penjagaan diri," katanya pada sidang akhbar di Pusat Perubatan Universiti Malaysia (PPUM) hari ini.

Sementara itu, PPUM yang terpilih sebagai institusi penjagaan kesihatan yang pertama menjayakan kempen anjuran pihak AEON Malaysia, menjangkakan lebih 500 orang bayi bakal dilahirkan di pusat perubatan tersebut akan menikmati keistimewaan yang ditawarkan ini.

Pengarahnya, Prof. Dr. Nazirah Hasnan berkata, PPUM yang merupakan salah sebuah hospital rakan bayi diiktiraf di Malaysia sentiasa menyokong usaha murni badan korporat sepertimana dilaksanakan oleh pihak AEON Malaysia.

"Sudah pasti usaha murni seperti ini memberi manfaat secara langsung serta kegembiraan kepada para ibu dan bayi yang baru dilahirkan," katanya.

Dalam pada itu, seorang ibu, Chan Sook Hwa yang baru sahaja melahirkan bayi lelakinya berkata, pemilihan bayinya sebagai salah seorang penerima sumbangan daripada Aeon adalah permulaan baik dan paling menyeronokkan pada tahun 2024.

"Saya bersyukur, ini merupakan permulaan yang baik bagi kami sekeluarga. Ini adalah keseronokan berganda selepas melahirkan bayi pertama saya. Bayi saya ini pun tidak banyak kerenah sejak saya mengandung sehingga lahirkan dia.

"Saya akan namakan anak saya dengan satu nama yang memberi maksud seorang yang bersopan, bijak serta menjadi orang yang bersemangat kuat dalam kehidupan dia nanti," katanya. – KOSMO! ONLINE.



TAJUK :	'SEMOGA ADA KEADILAN BUAT ZAYN'		
HARI :	SELASA	AKHBAR :	HARIAN METRO
TARIKH :	2 JAN 2024	M/SURAT :	04
TONE :	POSITIF	SEKTOR :	KPWKM

Kuala Lumpur: "Selamat tahun baru 2024. Kali ini saya melangkah tahun baru dengan duka dan harapan. Harapan agar nasib anak saya terbela, semoga ada keadilan buat anakku."

Demikian hantaran terbaru Ismanira Abdul Ma-

'Semoga ada keadilan buat Zayn'

naf, 28, ibu kepada kanak-kanak lelaki autistik, Zayn Rayyan Abdul Matiin, 6, di Instagram (IG) miliknya.

Menurutnya, sepanjang tahun 2023 mereka baha-

gia, sering bercuti dan luang masa bersama.

"Namun akhir tahun kami tak jangka, kami diuji sampai ke tahap ini...tak tertanggung rasanya.

"Ujian ini sangat berat bagi saya dan kami sekeluarga, namun tetap harus tabah.

"Semoga kita disatukan semula di syurga Allah, syurga yang kehidupannya

kekal abadi selamanya. Amin Amin Ya Rabb Ya Mujib," tulisnya.

Terdahulu, Zayn Rayyan ditemukan meninggal dunia di saliran air kira-kira 200 meter dari Apartmen

Idaman, Damansara Damai, kira-kira 10 malam 6 Disember lalu selepas dilaporkan hilang lebih 30 jam.

Mangsa kemudian disahkan dibunuh berdasarkan hasil bedah siasat yang menemui kesan kecederaan pada leher dan badan.



TAJUK : ROSS ARIFFIN TERBABIT NAHAS SEBULAN DIRAWAT DI HOSPITAL

HARI : SELASA

AKHBAR : HARIAN METRO

TARIKH : 2 JAN 2024

M/SURAT : 16

TONE : NEUTRAL

SEKTOR : KPWKM

Ross Ariffin terbabit nahas sebulan dirawat di hospital

Kuala Lumpur: Komposer terkenal Ross Ariffin, 61, yang pernah mencipta lagu untuk Datuk Seri Siti Nurhaliza, Ning Baizura, Fauziah Latiff dan Liza Aziz dimasukkan ke Hospital Melaka selama sebulan dan Hospital Alor Gajah selama 11 hari akibat kemalangan jalan raya, baru-baru ini.

Kemalangan yang berlaku di depan sebuah hotel Jalan Pudu, Kuala Lumpur pada Oktober lalu itu menyebabkan tangannya patah.

Pengerusi Persatuan Karyawan Malaysia Negeri Melaka dan ahli jawatankuasa Karyawan Melaka, Datuk Zainal Abu Bakar berkata, Ross atau nama sebenarnya Roslan Arriffin Jamil dikategorikan gelandangan dibawa oleh Jabatan Kebajikan Masyarakat (JKM) ke hospital terbabit.

“Saya bersama penyanyi Zaiton Sameon hadir menziarahinya di Hospital Alor Gajah semalam. Dalam pertemuan itu, dia mengakui tiada sesiapa datang melawatnya.

“Ross juga berharap agar



“
Ross harap
Karyawan bantu
pindah ke rumah
orang-orang tua
Zainal Abu Bakar

ZAINAL bersama Zaiton melawat Ross di hospital.

Karyawan dapat membantu mempercepatkan proses pemindahan beliau dari hospital ke rumah orang-orang tua milik JK. Karyawan Melaka tu-

rut menyampaikan sedikit sumbangan dan makanan kepadanya agar dapat meringankan sedikit penderitaan yang ditanggung,” katanya.



TAJUK : 40,000 NEWBORNS TO GET AEON VOUCHERS

HARI : SELASA

AKHBAR : NEW STRAITS TIMES

TARIKH : 2 JAN 2024

M/SURAT : 06

TONE : POSITIF

SEKTOR : KPWKM

40,000 newborns to get Aeon vouchers

KUALA LUMPUR: Aeon Co Bhd (Aeon Malaysia) will provide essential items worth up to RM1,000, including cash vouchers, to parents of newborns throughout 2024 nationwide.

The giveaway is part of the Aeon Celebrates 2024 Babies campaign, which is also in commemoration of its 40th anniversary.

Parents of 40,000 babies born this year can get the benefits by registering as Very Important Parents (VIP) club members under the Aeon membership programme.

Aeon commercial and marketing chief Low Ngai Yuen said the campaign aimed to build long-term relationships between Aeon and young families.

The campaign, she said, also



Aeon commercial and marketing chief Low Ngai Yuen (back, third from right) with mothers who gave birth at the University of Malaya Medical Centre, Kuala Lumpur, yesterday. PIC BY HAIRUL ANUAR RAHIM

focused on providing emotional, mental and physical support, besides easing the financial burden for couples in welcoming their babies.

“Expectant mothers are encouraged to register early for assistance, including preparation for pregnancy needs and baby essentials, such as nutrition, clothing and personal care items, including a checklist for the hospital bag for mother and baby.”

She said this at a media activation ceremony at the Univer-

sity of Malaya Medical Centre (UMMC) here.

Low said UMMC, selected as the first healthcare institution for this campaign, was anticipating more than 500 newborns at the centre.

A recipient of the initiative, Chan Sook Hwa, 42, who gave birth at UMMC, expressed gratitude to Aeon for including her in this initiative.

She said she would use the benefits to buy napkins and milk powder.